

皇朝史畧

登錄號	第	號
歷史科學		門
日本史		部
總書	總記	次
叢書	冊	冊
全	冊	冊
登錄號	第	號
21098		24712

30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 5

部 史 正
冊 六
三

T1A1
26
A 58

皇朝史略卷之三

水戸史臣青山延子著

男 延光校

天智天皇初稱葛城皇子一名中大兄舒明帝嫡子皇
極帝所生也帝既誅入鹿有功皇極帝欲傳位於帝帝
從中臣鎌足之言密奏讓孝德帝皇極帝嘉之遂禪位
於孝德帝立帝為皇太子匡輔朝政齊明帝再祚乃為
皇太子及齊明帝崩於朝倉行宮素服稱制奉梓宮還
難波○壬戌夏六月百濟貢調○癸亥秋八月新羅滅

圖書 和圖書 遊



a 1 3 8 0 3 2 3 6 4 5 a

福岡教育大学蔵書

百濟初帝使大山下狹井檣檣小山下朴市秦田來津

帥兵五千餘護送百濟王子豐及其叔父忠勝等忠勝本

書倂歸國又使大將軍阿曇比羅夫等率舟師一百艘

救之立豐為王既而豐疑福信有貳收殺之新羅聞豐

殺福信來圍州柔唐將劉仁軌劉仁軌據唐書及東國通鑑列船于

白村江唐書作白江口我軍與唐兵戰敗績朴市秦田來津死

之豐奔高麗百濟遂滅諸將班師○甲子春二月改元

位號增為二十六階定氏上民部家部之制是歲置防

烽於對馬島筑紫等國○乙丑秋九月唐使沂州司馬

劉德高等來聘是歲遣小錦守大石小山境部石積等

於唐○丙寅春正月高麗貢調是冬遣智山獻指南車

○丁卯春三月遷都近江滋賀滋賀代要謂之大津宮

○冬十一月大山下境部石積等歸自唐是月築城于

倭高安讚吉屋島對馬島金田○元年戊辰春正月帝

即位本書註歲為元年而天武紀曰四年十二月天命開別天

皇崩是則以即帝性至孝殯先帝六年至是登祚帝性

愚管抄代要記○夏四月百濟入貢按唐書云豐走不知所

衆及倭人請命諸城皆復○常陸國獻白雉及角馬常

據此則遣使者蓋忠勝也

以下扶
衆畧記

○秋七月高麗新羅朝貢○講武近江多置牧

放馬○越國獻然上然水○冬十月唐滅高麗初高麗

仲牟王

按仲牟
朱蒙也

建國時言傳國千歲矣其母曰善治之

則可庶幾也若不得千歲但當有七百年也至是竟如

其言云○是歲新羅僧道行盜草薶劔將奔其國遇風

雨晦冥不能進而歸○二年春三月耽羅王遣其子久

麻伐貢獻○秋九月新羅朝貢○冬十月車駕臨中臣

鎌足第問病尋遣大海人皇子就鎌足第賜姓藤原授

大織冠為內大臣是月鎌足薨鎌足為人忠亮知莫不

言制禮儀定律令皆出其手

制以
織冠傳

及薨帝尤悼惜

臨第宣詔賜賻○是歲遣小錦中河內鯨等於唐徙百

濟佐平餘自信佐平鬼室集斯等男女七百餘口於近

江蒲生郡唐使郭務悰等來○三年春正月制朝廷禮

儀及行路相避之禮○二月造戶籍糾斷盜賊浮浪○

築長門及筑紫城○夏六月有人得龜背書申字上黃

下玄長六寸許○是歲造水碓冶鐵○四年春正月以

大友皇子為太政大臣蘇我赤兄為左大臣中臣金為

右大臣蘇我果安巨勢人紀大入為御史大夫置太政

大臣御史大夫始此置以下公卿補任○頒冠位法度○高麗

朝貢按東國通鑑高麗已亡新羅私封高安勝為高麗王其稱高麗朝貢者蓋是也○唐百濟

鎮將劉仁願遣李守真等上表○授百濟佐平餘自信

沙宅紹明等五十餘人位各有差○二月百濟朝貢○

常陸獻侏儒長一尺六寸○夏四月始置漏刻擊鐘鼓

以警時帝為太子時親製漏刻至是置之新臺○六月

百濟新羅朝貢○秋九月帝不豫○冬十月帝彌留召

大海人皇子倭以後事皇子稱疾固辭請為僧許之即

日剃髮敕賜袈裟皇子遂入吉野立大友皇子為皇太

大友為皇太子○十一月太宰府言唐使郭務悰

等至此智島○左大臣蘇我赤兄等五人奉皇太子盟

帝前○十二月帝崩在位四年稱制者六年凡十年年

四十六本書享年闕今據舒明紀年十六之文推之葬山背山山背山科陵葬以下

或曰帝騎馬至山科入林中莫知所之後獲遺履瘞之

即就起陵云或曰以下扶桑略記水鏡○按日本紀云

然據略記水鏡則帝之崩蓋有非常之變而舊史所不載事實曖昧今不可得而考始附備考帝嘗作

行宮於筑前上座郡朝倉村水不斷務從質撰時人就

曰木九殿帝為之歌後世傳為歌曲十訓抄帝好學能文

明習治體興學校制典禮憲章文物粲然可觀規摹宏

遠振古未有云

懷風藻序

後置十陵隨世數遞除

二代實錄

以帝

為中興之祖百世不除焉云

神皇正統記

外史氏曰帝以不世出之姿誅逆臣平國難救社

稷之將顛創學校制禮儀肅典刑於將來觀其任用

鎌足終始不疑君臣遭遇雖漢昭烈之於諸葛亮蔑

以過也武能戡亂文能致治自非英明之王安能臻

此哉後世以帝為中興之祖良有以也

皇太子立是為弘文天皇

弘文天皇天智帝長子也母伊賀米女宅子娘

長子懷風藻

初稱伊賀皇子為人魁岸奇偉眼光射人唐使劉德高

見而異之曰皇子風骨非常不似世間人

為人以下懷風藻

天

智帝大漸立帝為皇太子至是即位

大漸已下扶桑記水鏡

元

年壬申春三月遣内小七位阿曇稻敷於筑紫告國喪

於唐使郭務悰務悰等喪服舉哀獻書函信物○夏五

月高麗朝貢○六月大海人皇子稱兵于吉野遣其將

村國男依和珥部君手等於美濃差發兵衆使人分惠

尺等七驛鈴於倭留守司高坂王高坂王不聽於是皇

子東行使伊勢國司三宅石村等率兵五百塞鈴鹿山
道京師大震帝召群臣會議或進策曰急發驍騎追蹕
其後若稽緩則失事機矣帝不聽

外史氏曰古人有言兵聞拙速不聽巧遲當是時吉
野兵未集人心未附急發驍騎以震其後未必不得
尅也而及大兵已集人心已屬欲一舉而滅之可謂
失策矣蓋帝有英才而無雄略此其所以終取敗
亡也歟

乃遣韋那能帥書藥忍坂大赤呂于東國穗積百足物

部日向于倭京佐伯男于筑紫樟船于吉備國發兵
艦缺至不破藥大府呂為伏兵所虜艦缺逃歸倭守
司高坂王與百足等陣于飛鳥寺西百足為吉野將大
伴吹負所誘殺日向等亦被擒高坂王出降秋七月吉
野將坂本財陷高安城壹岐韓國分軍自大津丹比
道進攻財于高安城財等進兵渡衛我河韓國戰于河
西破之河內國司來目鹽籠謀應不破軍潛集兵衆韓
國覺之鹽籠聞事泄自殺時山部王蘇我果安巨勢人
將兵數萬軍于犬上川欲進嚴不破山部王為果安人

所殺軍亂不進果安自殺將軍羽田八國其子大人以其族降于吉野將軍大野果安擊大伴次負于乃樂山大破之追至八口疑有伏而退境部藥與村國男依戰于息長橫河兵敗死之秦友足與男依戰于鳥籠山死之壹岐韓國與吹負戰于葦池上不利吹負更陪兵三道並進大養五十君為中道將比村屋上道軍屯箸陵五十君使別將廬井鯨率精兵二百衝吹負營堅不可犯鯨不得進既而吉野將三輪高市麻呂置始菟大破上道軍于箸陵進斷鯨軍後兵士驚潰死傷無算鯨

僅以身免村國男依攻破栗太軍進薄瀬田帝悉衆軍橋西旗幟蔽野鉦鼓震天將軍智尊率精銳為先鋒撤橋板三丈置一長版繫索設機列弩亂發矢下如雨已下扶吉野兵不敢進大分稚臣棄矛提刀臨版度乘略記冒矢以進衆兵繼進守橋兵悉亂智尊怒斬退者不能禁也智尊戰死我軍遂敗大養五十君谷鹽手與村國男依戰于栗津市敗死左右大臣群臣皆逃唯物部麻呂一二舍人從帝崩于山前時年二十五初帝夢有朱衣老翁捧日授帝有人從腋下出奪去已覺驚異語藤

原鑱足鑱足歎曰聖朝萬歲之後恐有巨猾伺隙乎然
臣聞天道無親唯善是輔大王自脩德災異不足憂也
臣有女願納掖庭奉巾櫛帝聽之至是果不終矣帝性
明悟好學善詩廣延文學之士以為師友嘗侍宴獻詩
曰皇明光日月帝德載天地三才並泰昌萬國表臣義
述懷曰道德承天訓鹽梅寄真宰羞無監撫術安能臨
四海時年已下懷風藻其文藻精絕如此大海人皇子立是為
天武天皇

天武天皇幼名大海人天智帝母弟也生而岐嶷及壯

英武曉天文通甲天智帝四年削髮赴吉野時人為之
語曰所謂翼虎放之也帝大友元年五月朴井雄君來
告曰朝廷敕美濃尾張國司差山陵役夫令各執兵臣
以為非唯為山陵必有事矣若不早圖噬臍無及也又
有人告曰近江京至倭京多置斥候命菟道守檣者遮
留吉野舍人運私糧者帝令人麻之果然乃怒曰吾之
所以遁世者本圖全身事勢既急吾豈坐取亡乎六月
遣村國男依和珥部君手身毛廣往諭美濃國司先命
安八磨那湯沐令多品治發本郡兵急塞不破道帝將

赴東國或諫曰直江郡臣蓄謀已久聞我東行則所在必起曰謀然今欲使乎而東臣恐道路梗澁事且不測前從之欲召還引依等乃遣大分惠人黃書大伴逢志摩乞驛鈴於倭留守司高坂王惠尺直至近江召高市大津二皇子會帝於伊勢已而高坂王不與鈴志摩歸報帝乃與正妃鸕野皇女草壁皇子忍壁皇子及林井雄君縣犬養等二十餘人赴東國時事出倉卒不遑待車馬步而出及途遇縣犬養大伴始得騎馬比過津振川車馬亦追至夜渡橫河有黑雲竟天廣十餘丈帝舉

燭親秉式占曰此天下兩分之象也然我終得之乎進至伊賀郡郡司等率兵來歸經荻野赴積殖山口高市皇子率民大火赤染德足等來會進經大山至伊勢鈴鹿國司守三宅石牀介三輪子首湯沐令田中足麻呂等來會發兵五百塞鈴鹿山道至朝明郡迹太川上望拜伊勢大神大津皇子率大分惠人等來會村國男依亦來報發兵三千塞不破道帝褒之命高市皇子監其軍事帝大友遣書藥忍坂大麻呂等徵東國兵藥等至不破高市皇子伏兵虜之帝入不破尾張國司小子

部鉏鉤率衆二萬來歸帝大嘉分遣其兵守諸道進至
野上高市皇子來迎帝撫背褒慰命總統軍事造行宮
于野上其夜大雷雨帝祈曰神祇祐我剿雷雨息矣言
訖即息帝如和暫視軍大伴吹負與倭京留守司坂上
熊毛及漢直等謀奪飛鳥寺嘗殺其將穗積百足擒穗
積百枝物部日向招降留守司高坂王稚狹王遣大伴
安麻呂等來報帝大悅即就拜吹負為將軍三輪高市
麻呂賀茂蝦夷及諸豪傑相率歸吹負七月吹負欲嚴
近江赴乃樂分遣裨將守龍田大坂石手三道坂本財

赴龍田次平石野近江兵在高安城望風而遁帝遣紀
阿閉麻呂多品治等將兵數萬自伊勢大山赴倭村國
男依書根麻呂將兵數萬自不破向近江衆皆以赤為
幟別命多品治率兵三千屯荊菰野田中足麻呂守倉
歷道近江將山部王蘇我果安巨勢人將兵數万陣于
犬上川軍自潰而逃羽田八國以族來降帝授斧鉞為
將軍北入越吹負與大野果安戰于乃樂山敗走近江
別將田邊小隅夜襲倉歷田中足麻呂棄營脫走小隅
又襲荊菰野多品治逆擊走之村國男依與近江軍戰

于息長橫河破之斬其將境部藥東道將軍紀阿閉麻呂等聞吹負敗遣置始菟赴援遇吹負于墨坂追屯金網井軍復振與壹岐韓國戰于葦池上破走之吹負分軍三道並進親當中道近江別將廬井鯨率兵來犯吹負兵連射鯨不得進會上道將三輪高市麻呂置始菟大破近江軍于箸陵乘勝斬鯨軍後鯨潰走倭地盡定諸將進至瀨田遂破近江軍帝大友退至山前自縊焉諸將至不破奏捷八月命高市皇子議近江群臣罪右大臣中臣金處斬御史大夫巨勢人并其子孫及蘇我

果安子悉配流按扶桑略記水鏡曰皇崇八月第紫猷

改元曰白鳳然朱雀因改元曰朱雀明年備後獻白雉

見原官○夏閏六月耽羅王遣子久麻伎朝貢新羅遣

使賀登極○秋七月始置不破關秋七月已下一代

八月高麗入貢○二年春三月對馬始貢白金○三年

春正月始起占星臺○夏四月遣小紫美濃王佐伯廣

足於龍田立野始祭風神○四年秋九月為新嘗卜定

國郡齋忌則尾張山田郡次則丹波訶沙郡並食

忌此云踰跼次此云須波按大嘗始見清寧紀修基之制始見于此古者新嘗大嘗並執令已後其制始

定中右記以此為大嘗之始然其礼自古有此非昉于此○冬十一月乙丑以新嘗

事不告朔○五年春正月庚辰射于南門十七日大射

始此十七日已下據師元年中行事○七年春二月高麗入貢○冬十

月新羅入貢○十一月始置鰲田山大枝山二關築羅

城於難波○八年夏五月高麗入貢○冬十一月新羅

入貢○九年春正月詔畿内及諸國繕修天社地社○

二月詔定律令○立草壁皇子為皇太子○三月詔川

島皇子忍壁皇子大錦下上毛野三千等撰帝紀及上

古以來事○夏四月定親王至康人服色制度○七月

遣使新羅高麗○冬十月新羅入貢○詔大山以下小

建以上各上意見○十年春三月敕境部石積等造新

字四十四卷○夏四月詔令男女始結髮○六月男女

始結髮仍著漆紗冠○秋九月敕停跪礼匍匐礼用難

波朝廷之立礼○十一年春二月詔大津皇子始聽朝

政○夏四月詔罷銀錢用銅錢尋詔復銀錢○秋八月

大伴吹負卒吹負咋之子咋子續日本紀智畧絕人帝之在吉

野吹負竊察有時變稱疾居倭及帝起兵率衆屬之數

立奇功指麾英俊咸得其宜帝之得天下其功居多卒

贈大錦中○冬十二月遣使巡行天下定諸國疆域○十二年春二月遣淨廣肆廣瀨王小錦中伴安麻呂等於畿內三野王小錦下采女筑羅等於信濃相建都之地○三月車駕巡幸京師定官地○夏閏四月詔令文武官務習軍事具兵馬器械有馬者為騎士無馬者為步卒以時檢閱焉○冬十月詔改天下諸氏族姓定為八等○遣伊勢王等定諸國疆域○遣使耽羅○十三年春正月改爵位制增階級諸王以上十二階諸臣四十一階○秋九月遣使於東山山陽山陰南海諸國

省風俗察國司郡司治狀○朱鳥元年夏五月帝不豫

○六月卜帝疾草薙劍為祟因還納之熱田社○秋九

月帝崩在位十四年帝嘗制五節舞後世傳之帝嘗已下據續

日本紀天平十五年詔文皇后立是為持統天皇

持統天皇小字鸕野讚良天智帝第三女也母遠智娘

為天武帝妃生皇太子草薙深沈有大度帝之稱兵也

常從行間與定謀議帝即位立為皇后至是臨朝稱制

○大津皇子謀反伏誅大津容貌魁岸音辭俊朗為天

智帝所鍾愛幼而好學善屬文性放蕩不羈卑身下士

人多歸之時有新羅僧行心通天文小筮相大津曰皇子骨法非常久居下位難全身因勸作逆由是竊懷異

志幼而已下至是遂謀反事覺皇后乃使人收之賜死

譯田驛舍大津臨刑賦詩曰金烏臨西舍鼓聲催短命

泉路無賓主此夕誰家向人惜其才學臨刑已下○

丁亥春正月遣直廣肆田中法麻呂追大貳守川田等

於新羅赴國喪○秋九月設國忌齋於京師諸寺置國

忌始此置國忌已下○戊子秋八月耽羅貢獻○己丑

春正月乙卯人學寮獻杖八十枚卯杖始此卯杖已下

公事○夏四月皇太子薨○新羅遣使弔國喪救責其

無禮却其貢獻○秋七月詔左右京職及諸國司築射

場○閏八月詔諸國司點其民四分之一講習武事○

元年庚寅春正月皇后即位帝稱制四年至是登祚按

書以稱制之明年為元年○天智紀則於持統紀亦不當以稱制年

紀元故今從本史天智紀○夏四月定服色八等○秋

七月以高市皇子為太政大臣按帝以高市皇子為太

以政故本書其薨曰後皇子尊不書其名天智帝以

大友皇子為太政大臣其後高市皇子為之皆以儲貳

任之而後世以人臣多治比島為右大臣島宣化帝玄

為之殊失古制云

孫多治比古王之子

多治比古王
子續日本紀

○冬十月先是新羅

遣使護送遣唐學問僧及大伴部博麻博麻筑紫人齊

明帝十七年從軍赴百濟為唐兵所執在異域三十年

備嘗艱苦輸忠於朝至是帝嘉其節授位勢大肆○今

高市皇子率百官相藤原宮地○十一月始行元嘉曆

儀鳳曆○十二月行幸藤原相宮地○三年春三月行

幸伊勢中納言三輪高市麻呂上表諫遠幸妨農時不

聽高市麻呂詣闕免冠極諫帝竟不納○冬十二月新

羅入貢○四年春正月詔令天下百姓著黃衣奴皂衣

○三月詔令天下勸植桑紵梨栗蕪菁○冬十二月遣

陣法博士等講武諸國○五年春三月置鑄錢司○冬

十二月遷居藤原宮○六年春三月新羅王遣其子良

琳貢獻○七年春正月丙午漢人奏蹈歌十六日蹈歌

始此十六日巳
下水鏡

○秋七月太政大臣高市皇子薨○八

年春二月立皇孫珂瑠為皇太子

八年以下據
日本紀引王子
校別記

初高市皇子之薨也帝會百官議建儲衆議紛紜久而

不決葛野皇子進曰開國已來子孫相承以登帝位若

兄弟相及則乱由此興仰察天心焉得能測推之人事

聖嗣自定誰敢間然時乃削皇子欽有言葛野叱之乃止帝嘉之懷風藻至是遂立皇孫續日本紀葛野帝太友之子也懷風藻○秋八月帝禪位於皇太子在位八年稱制者四年凡十二年皇太子立是為文武天皇

文武天皇小名珂瑠救日本紀引皇太子草壁子元明

帝所生也持統帝八年立為皇太子是年八月受禪即

位因改元○冬十月新羅入貢○二年夏五月敕太宰

府繕治大野基肆鞠池三城○秋七月禁博戲游手之

徒○定朝儀○三年夏五月流役小角於伊豆島小角

大和人性敏悟通釋典善咒術年三十二棄家入葛木

山絕粒食大和以下扶桑畧韓國廣足師事之後害其

能誣以妖妄惑眾至是竟見配流○秋七月多祓夜久

慈美度感人來貢方物度感島始通○冬十二月始置

鑄錢司按日本紀持統帝八年置鑄錢司而此云始置未詳其故○四年春二月令

趙後佐渡修石船棚○重敕王臣蓄兵器○三月僧道

照死遺言火葬於栗原火葬自此始

外史氏曰夫喪親之終孝子之所盡心也故聖人為之衣衾為之棺槨殯殮之葬埋之又為之祭祀之禮

事亡如事存所以使為子者盡心也自佛法東流以後始有火葬之事雖天子之尊歷世行之況庶人乎夫生而事之死而焚之是刑其屍也有人子之心者安忍刑父母之屍哉然流俗相承恬不知怪以謂為其親滅罪甚哉其惑也而作俑始于此可勝歎哉道照河內人孝德帝時隨使如唐師事玄奘三藏始習禪定後隨使歸朝周游天下諸津濟處儲船造橋山背宇治槁其所創造也○定諸國牧地○夏五月遣使于新羅○六月敕淨大參忍辨親王直廣壹藤原不比等

選定律令不比等鎌足之子也○秋八月右大臣多治

比島任左大臣

秋八月已下公卿補任

○冬十月始置製衣冠司

○大寶元年春正月乙亥朔帝受朝於大極殿儀衛嚴整蕃客陪位文物之美於是大備○二月始釋奠○三月改制官位停賜位冠易以位記定服色制以大納言阿陪御主人為右大臣○秋七月左大臣多治比島薨先是帝優其高年賜靈壽杖至是薨年七十八○八月律令成○九月上行幸紀伊○冬十月如武漏溫泉○二年春正月己巳朔帝受朝於大極殿親王及大納言

已上始著禮服諸王臣以下著朝服○三月始頒度量於天下○夏四月令筑紫七國及越後貢米女兵衛○五月敕從三位大伴安麻呂正四位下粟田真人等參議朝政○六月遣民部尚書粟田真人左大辨高橋笠間於唐○冬十月頒律令於天下○十二月始闢美濃岐蘇山道○太上皇崩壽五十八本書享年嗣今據紹運錄一代要記○三年春正月以三品忍壁親王知太政官事○夏閏四月右大臣阿倍御主人薨○慶雲元年春正月以大納言石上麻呂為右大臣○始停百官跪伏之禮○秋七

月粟田真人等還自唐真人至長安見武后賜宴麟德殿真人好學能屬文進止有容唐廷稱其溫雅至長安已下唐書○二年夏五月知太政官事忍壁親王薨○秋九月以二品穗積親王知太政官事○冬十月新羅入貢○十二月重制天下婦女自非神部齋宮官人及老嫗皆髻髮○三年春三月左京大夫三輪高市麻呂卒高市麻呂壬申之亂從天武帝有功持統帝時為中納言以極諫不行辭官辭官懷風藻後為左京大夫及卒贈從三位高市麻呂好學善詩為世所稱藤原麻呂為詩吊之有

云君臣誰云易臣義本自難奉規終不用歸去遂辭官

好學已下

懷風藻○秋九月遣使七道始定田租法○是歲天

下疾疫百姓多死始作土牛大儺○四年春二月詔群

臣議遷都○夏四月帝崩壽二十五

享年據畧記火葬水鏡愚管抄

飛鳥岡在位十一年改元者二曰大寶慶雲帝天姿寬

仁博涉經史最善射藝帝用心政事定律令制朝儀文

物典章至帝大備云帝母阿閉皇女立是為元明天皇

元明天皇天智帝第四女也初適皇太子草壁生文武

元正二帝慶雲四年秋七月即位於大極殿按大極殿

紀而即位用之始此○和銅元年春三月以右大臣石上麻呂為

左大臣大納言藤原不比等為右大臣

外史氏曰藤原鎌足佐天智帝一匡天下其有功於

社稷也大矣及其子不比等能幹父業加以外戚之

勢職任台司位極人臣厥後子孫家戚里而世與鉉

遂使威福之柄一歸攝關此雖由國家待功臣之厚

抑亦任以政事之弊也觀不比等為右大臣則可見

外戚之盛始於此嗚呼有國有家者可不鑒前失而

防未然哉

○夏五月始行銀錢○秋八月始行銅錢按先是銀錢已見舊史然錢者無文至是初鑄和銅開元錢故曰始行非謂銀錢銅錢之制始于此也○二年春三

月以左大辨巨勢麻呂為鎮東將軍赴陸奧民部大輔佐伯石湯為征狄將軍赴越後因藏頭紀諸人為副徵

遠江駿河甲斐信濃上野越前越中兵征蝦夷○秋八

月廢銀錢行銅錢○征狄將軍佐伯石湯副將軍紀諸

人等凱旋○三年春三月遷都平城置左右京坊置以下水鏡○右大臣藤原不比等創興福寺於新京元亨謂之

山舊寺○是歲遷大官太寺於新京初舒明帝遷

大安寺於百濟河上改號百濟大寺天武帝遷之於高

市郡名大官大寺至是復移建焉元亨○四年夏閏六

月始遣挑文師于諸國教織錦綾○五年秋九月始置

出羽國○是歲造鷹居社於豐前宇佐郡祀八幡大神

是歲已下字○六年夏四月割丹波五郡置丹後國割

備前六郡置美作國割日向四郡置大隅國○是歲教

選諸國風土記是歲已下代要記歷代皇紀僧仙覺方集抄○七年春一

月詔從六位上紀清人並八位下三宅藤原呂撰國史

○八年秋七月知太政官事一品穗積親王薨○九月

帝傳位於水高內親王在位九年改元者一曰和銅永
高內親王方是為元正天皇

元正天皇諱冰高一諱新象日本武紀皇太子草薙女而

文武帝之姊也至是受禪即位改元靈龜○二年夏四

月割河內大鳥和泉日根三郡置和泉縣○秋八月志

貴親王薨○遣從四位下多治比縣守從五位下安倍

安麻呂等於唐○冬十月禁內外諸司薄紗朝服六位

已下羅幃頭羅幃頭即今之羅幃頭○養老元年春二月左

大臣上奏曰

泉初郡中有樵夫事父至孝家極貧鬻薪以養父父嗜

酒樵夫常提瓠過市賒酒以進一日往山薪樵誤墜巖谷

之際聞有酒氣心怪之回顧其側有泉涌出其色似酒

嘗之芳烈甘美樵夫大喜汲以供父至是車駕幸美濃

過郡觀之以為孝感致遂名其泉曰養老因改元授

樵夫官家至富饒初已下十訓抄著聞集○二年夏四月筑後守

道首名卒首名少治律令曉習吏事其為筑後守攝肥

後事勸勵生業教督耕種至植菜果養雞豚曲盡事宜

時躬按行有不遵教者輒譴責之老少竊怨罵之及叔

入莫不悅服又興陂池以廣灌溉肥後味生池及筑後
所在陂池皆是北人蒙其利故言吏事者咸以為稱首
及卒百姓祠之○五月割越前四郡置能登國割上總
四郡置安房國割常陸十一郡以六郡置石城國五郡
置石背國○冬十一月多治比縣守等還自唐○三年
春二月始令天下百姓右社職事主典已上執笏○秋
七月始置按察使巡省諸國○冬十二月始定婦女服
制○四年春正月遣渡島津輕津司等於靺鞨國觀其
風俗靺鞨古肅慎之地古以下在去陸奥宮城郡治司

三千里多音城呼上地極寒不宜水田和銅六年渤海大祿
榮受唐爵命為渤海郡王類聚同史盡并肅慎濊泊及沮高
麗扶餘挹婁等地通鑑自是始去靺鞨號專號渤海云
書○三月一品舍人親王上日本紀三十卷秋八月
右大臣藤原不比等薨贈太政大臣謚文忠謚據公先
是藤原氏未置氏長者至不比等始命為之尊卑不比
等生四子武智麻呂房前宇合麻呂世稱武智麻呂為
南家房前為北家宇合任式部卿是為式家麻呂右京
大夫是為京家子孫貴盛而北家尤盛云人錄以舍人親

王知太政官事○九月陸奧言蝦夷反殺按察使上毛
野廣人以捕磨按察使丹治比縣守為持節征夷將軍
從五位下阿倍駿河為持節鎮狄將軍以討蝦夷○五
年春正月以大納言長屋王為右大臣○夏四月征夷
將軍多治比縣守等凱旋○六月割信濃置諏方國○
冬十二月太上皇崩壽六十一○八年春二月帝禪位
於皇太子在位十年改元者二曰靈龜養老皇太子立
是為聖武天皇

聖武天皇諱美麻斯文武帝子也母夫人藤原氏和銅

七年立為皇太子至是即位改元神龜○春三月陸奧
言海道蝦夷反殺陸奧大掾佐伯兒屋麻呂○夏四月
以式部卿藤原宇合為持節大將軍宮內大輔高橋安
麻呂為副將軍征討蝦夷○令坂東九國兵三萬教習
騎射試練軍陣運帛純綿布於陸奧鎮所○五月以從
五位上小野牛養為鎮狄將軍鎮撫出羽蝦夷○秋七
月遣從五位上土師豐麻呂于新羅○冬十月行幸紀
伊至玉津島詔改弱濱為明光浦○十一月大政官奏
上古淳朴冬穴夏巢後世聖人易以宮室京師帝王之

居萬國所朝自非壯麗何以示威板屋草舍中古遺制
難營易破空殫民財請命有司令五位已上及庶人力
堪營辦者以瓦葺屋塗以丹堊奏可○征夷持節大師
藤原宇合鎮狄將軍小野牛養還京師○是歲鎮守將
軍大野東人始築多賀城以備邊寇是歲已下多賀城碑○二年
夏五月土師豐麻呂還自新羅○三年夏六月新羅入
貢○冬十月行幸播磨印南野○四年秋閏九月皇子
生○冬十月立皇子為皇太子○南島人來朝○五年
春正月渤海王大武藝遣使獻方物上國書其略曰武

藝啓山河異域國土不同延聰風猷但增傾仰伏惟大
王天朝受命日本開基奕葉重光本枝百世武藝忝當
列國監總諸蕃復高麗之舊居有扶餘之遺俗但以天
涯路阻海漢悠悠音耗未通吉凶絕問親仁結援庶叶
前經通使聘鄰始于今日謹遣寧遠將軍良將高仁義
等二十餘人齎狀并附貂皮三百張奉送渤海本高麗
之故地高麗滅朝貢久絕至是武藝遣使來聘武藝祔
榮之子也祔榮子○秋八月詔禁天下養鷹○始置內
匠寮中衛府○九月皇太子薨○天平元年春二月殺

左大臣長屋王先是漆部造中臣宮處東人誣告王謀

不軌遣兵圍其第又使舍人親王及藤原武智麻呂等

窮問賜自盡王高市皇子之子高市子標好學善詩一

時名流多遊其門好學已下至是遭讒而死物語時人

冤之○二年春三月太政官奏大學生徒學業庸淺不

能成達實由窮困請選性識聰慧藝業優長者給衣食

以勸誘之又諸蕃異域風俗不同若無譯語難以通事

令粟田駒養播磨乙安等各教弟子專習漢語並許之

○夏四月詔改天下婦女衣服用新樣○始置皇后宮

職施樂院○三年春三月廢詔方國併信濃國○秋八

月擢式部卿藤原宇合民部卿多治比縣守等六人並

為參議○冬十一月始置畿內總管諸道鎮撫使○四

年夏五月新羅入貢因請朝貢年期詔許三年一朝貢

○秋八月遣從四位上多治比廣成從五位下中臣名

代于唐○五年秋七月始令大膳職備孟蘭盆供著為

恒典按孟蘭盆會始見日本紀齊明紀其後無之○六

年春正月以大納言藤原武智麻呂為右大臣○二月

御朱雀門觀歌垣令京師士女縱觀○秋七月觀相撲

戲○是歲鎮守將軍藤原朝カ獨修築多賀城立石記道
程里數是歲已○七年春二月新羅入貢以新羅私

改國號責却其使○三月遣唐大使多治比廣成還自

唐○冬十一月知太政官事一品舍人親王薨親王天

武皇子也○是歲自夏至天下患豌豆瘡死者多

○八年春二月遣從五位下阿倍ニ麻呂于新羅○秋

七月遣唐副使中臣名代還自唐○九年春二月遣新

羅使還奏新羅失禮不受使命於是召群臣上意見○

三月詔每國造佛像三軀寫大般若經一部始置國分

寺於諸國始置已下○秋七月以右大臣藤原武智麻

呂為左大臣是日薨○九月停筑紫防人大寶制遣諸

國兵士以戍邊塞謂之防人大宅已下令至是停筑紫防人

還本卿差筑紫人令戍壹岐對馬○以從三位鈴鹿王

知太政官事○冬十二月改大倭國為大養德國○十

年春正月立阿倍內親王為皇太子以大納言橘諸兄

為右大臣諸兄難波皇子曾孫美努王之子也初名葛

城為諸王後賜姓橘宿祢嘗奉使陸奧國司祗承願乞

諸兄不悅雖設酒饌不肯宴樂有舊宮人奉觴而歌曰

皇明史記

鴉瑣嘉耶摩珂藝散倍美吏類也滿濃為濃鴉瑣幾巨
路乎倭礼母波難久甬於是諸兄解顏酣飲極歡而罷

曾奉使已下万葉集

○太宰府奏新羅入貢夏六月遣使太宰府

却還之○十一年冬十二月渤海入貢先是平群廣成

隨多治比廣成聘唐及還海中連風飄至崑崙轉而復

至唐取途渤海々々王欽茂使其若忽州都督忠武將

軍胥要德雲麾將軍已珍蒙送廣成海中又遭風胥要

德船覆溺死至是廣成与已珍蒙入京師珍蒙上其國

書曰欽茂啓山河杳絕國上魯通信望風獻難曾傾仰

伏惟天皇聖殿至德遐暢奕葉重光澤流萬姓欽茂泰

繼祖業監總如始義洽情深每修鄰好今彼國使廣成

等風濤失便漂落投此每加優賞欲待來春發回使等

苦請及年歸去因備行資即為發遣仍遣若忽州都督

胥要德等充使領廣成等令送彼國并附大蟲皮黑皮

各七張人參三十斤蜜三升進上○十二年春正月遣

使於渤海○三月遣使於新羅○秋八月省和泉監并

河内國○九月太宰少貳藤原廣嗣舉兵反使從四位

上大野東人從五位上紀飯麻呂將兵討之○冬十月

行幸伊勢○十一月藤原廣嗣伏誅廣嗣字合之子有

文武才幹

文武才幹據松浦社緣記

初僧玄昉為僧正居內道場寵

遇日盛屢稱說法近侍皇后頗有醜聲聞於外

屢以下今昔物語

廣嗣惡之又与吉備真備不協上表請斥二人帝不

納焉廣嗣妻有姿色廣嗣赴任留居京師玄昉欲姦之

妻告之太宰府廣嗣聞而大怒

与真備不協已下松浦社緣記

至是遂

反造營遠河郡儲兵弩置烽燧朝廷遣東人等討之下

殺暴白廣嗣罪狀東人擊廣嗣軍破之遂斬廣嗣及其

弟綱手後七年玄昉死世以為廣嗣謀勝寶初真備嫡

肥前祭廣嗣墓因為立祠謂之鏡廟

祭已下松浦社緣記

○十二

月使右大臣攝諸兄經略山背相樂郡恭仁鄉因遷都

焉○十三年冬十二月敕名新京曰大養德恭仁大宮

○十二月并安房于上總能登于越中○十四年春正

月廢太宰府○陸奧言雨赤雪○二月新羅入貢以宮

室未成遣使太宰府饗之○秋八月敕造宮卿智努王

造近江紫香樂宮○行幸紫香樂宮○十五年春二月

并佐渡于越後○夏四月行幸紫香樂○新羅使至筑

前責其失禮却之○五月以右大臣攝諸兄為左大臣

○冬十月詔造金銅盧舍那佛大像○十二月始置筑紫鎮西府以從四位下石川加美為將軍外從五位下大伴百世為副先是毀平城大極殿遷於恭仁宮四年功竣所費巨多至是造紫香樂宮停營恭仁宮○十六年春閏正月詔召百官於朝堂議恭仁難波二京便利○二月敕定難波宮為皇都○冬十二月造金銅盧舍那佛大像於甲賀寺○十七年夏五月車駕還平城居中宮院諸司百官各歸本曹○六月復置太宰府○秋八月行幸難波宮○遷東大寺於平城初帝創東大寺

於紫香樂至是移建焉

遷東已下元亨敕書

○九月知太政官事

鈴鹿王薨

○帝京豫敕平城恭仁留守悉追王孫赴難

波宮○冬十一月配僧玄昉於筑紫檢造觀世音寺○

十九年春三月改大養德國復為大倭國○二十年夏

四月太上皇崩壽六十九○秋八月改定釋奠儀式器

服○天平感寶元年春二月陸奧始貢黃金○夏四月

以大納言藤原豐成為右大臣豐成武智麻呂之子也

○秋七月帝傳位於皇太子在位二十六年改元者三

曰神龜天平天平感寶帝篤崇佛法敬信僧行基等自

稱三寶奴當東大寺受菩薩戒於唐僧鑑真勝寶八
歲崩帝出家歸佛故不奉謚天平寶字二年追尊曰勝
寶感神聖武皇帝皇太子立是為孝謙天皇

孝謙天皇諱阿倍聖武帝之女也天平十年立為皇太
子至是受禪即位改元天平勝寶○秋七月始置紫微
中臺○八月以藤原仲麻呂為紫微令仲麻呂豐成之
弟也○九月制紫微中臺官位○四年春閏三月遣正
四位下藤原清河キヨハハ從四位上ナカ大伴古麻呂フルマロ從四位上ナカ吉
備前守等平唐清河至長安見玄奘玄奘曰聞彼國有

賢主觀其使臣越揖有異因稱我朝為君子國命朝衡
接待又圖清河貞備貌及歸賜御製詩特遣鴻臚卿蔣
挑挽送至揚州使魏方進供給至長安以高僧傳要文抄○夏四
月行幸東大寺慶虛舍那佛大像大設齋會百官陪位
樂官奏樂齋會之盛未嘗有也○六月新羅王子金泰
廉入朝奉貢○五年夏五月渤海遣使獻方物奏曰渤
海王言日本照臨天皇朝不賜使命已經十餘年是以
遣輔國將軍慕施蒙等貢國信物奉獻闕庭璽書報曰
天皇敬問渤海國王朕以寡德虔奉寶圖享壽黎民照

臨八極王僻居海外遠使入朝丹心至明深可嘉尚但
省來啓無稱臣名仍檢高麗舊記高氏上表文云親是
兄弟義則君臣或請援兵或賀踐祚修朝聘之恒式效
忠款之懇誠故先朝嘉其貞節待以殊恩寵命之隆惟
王所知由是先回之後既賜敕書何其今歲之朝重無
上表以禮進退彼此共同王其熟思今使人還指宜往
意并賜物○六年春正月大伴古麻呂還自唐奏曰天
寶十二載元會唐主受朝含元殿以臣等列西畔第二
吐蕃下新羅使列東畔第一大食國上臣爭曰新羅朝

貢我朝久矣而今反列上顯義所不當乃引新羅使就
吐蕃下臣等列大食國上藤原清河古麻呂發唐遣
風漂湯吉備直備亦遣風飄至紀伊○七歲春正月敕
改年為歲○八歲春二月左大臣橘諸兄致仕○夏五
月太上皇崩壽五十六遺詔以中務卿道祖王為皇太
子○六月始築筑前怡土城○天平寶字元年春正月
前左大臣橘諸兄薨○三月廢皇太子○夏四月立大
炊王為皇太子初道祖王為太子淫戲無度帝廢之立
大炊王先是藤原仲麻呂子實統卒其妻居仲麻呂

令大炊王居田利第以其子婦娶之至是為儲貳○詔令天下家藏孝經誦習之○五月復置能登安房和泉等國○始置豐後內相以大納言藤原仲麻呂為之○秋七月下左大辨橘奈良麻呂於獄初帝寵藤原仲麻呂仲麻呂因驍幸專權奈良麻呂惡其所為陰欲除之至是遂與廢太子及黃文王安病王小野東人大伴吉麻呂等謀行廢立山背王上變告之仲麻呂奏帝遣高麗福信等將兵收東人等又遣兵圍廢太子東遣公卿院問又收奈良麻呂及其黨下獄廢太子黃文王東人

古麻呂並杖死流安病王于佐渡其餘或死或配流

奈良麻呂處罪史無明文蓋死獄中也

奈良麻呂諸兄之子也○貶右大臣

藤原豐成為太宰員外帥豐成為人寬厚見遇時望仲麻呂忌之每欲因事中傷之會奈良麻呂事起仲麻呂以豐成子乙繩善奈良麻呂竟誣以其黨遂被寘謫自是仲麻呂威震中外○二年秋八月帝禪位於皇太子群臣上尊號曰上臺寶字稱德孝謙皇帝在位十年改元者二曰天平勝寶天平寶字皇太子立是為淳仁天皇

淳仁天皇諱大炊天武帝孫舍人親王之子也天平寶
字元年立為皇太子至是受禪即位○秋八月追尊天
武帝太子草壁曰開天皇○敕紫微內相藤原仲麻
呂中納言石川年足等更定官制改太政官為乾政官
太政大臣曰大師左大臣曰大傳右大臣曰大保大納
言曰御史大夫紫微中臺為坤官官中衛大將曰大尉
以仲麻呂為大保賜姓惠美改名押勝字曰尚舅更給
功封功田又聽鑄錢舉帑及用私印○是歲小野田守
還自渤海奏安祿山反唐大亂敕太宰府曰祿山狂胡

若不得志又將掠海東宜預為之備○三年春正月渤海來貢

本書書高麗然此時高麗既滅渤海亦其地

本書從其舊號今舉書渤海以見其實

○夏

五月敕諸國置常平倉置左右平準署掌之○六月追
尊皇考舍人親王曰崇道盡敬皇帝○以將征新羅敕
太宰府造行軍式○秋九月敕諸國造戰艦五百艘○
冬十二月置授刀衛○四年春正月以太保惠美押勝
為太師○渤海來貢○三月敕鑄新錢銅錢文曰萬年
通寶金錢文曰開基勝寶銀錢文曰太平元寶○秋九
月新羅入貢以其失禮却之○五年秋七月以巡察使

奏令筑紫七國造甲刀弓箭以備邊寇○冬十月以右
虎賁衛督仲石伴為遣唐大使石上宅嗣為副使武藏
介高麗大山為遣渤海使○七年春正月渤海來貢○
二月新羅入貢却之○秋八月廢儀鳳曆行大衍曆○
九月以僧道鏡為少僧都道鏡河內人少為僧以禪行
聞入內道場為禪師先是太上皇幸保良宮道鏡常侍
側帝以為言太上皇不悅至是遣使山階寺罷少僧都
慈訓以道鏡代之由此太上皇与帝有隙○八年秋九
月太師惠美押勝反伏誅初道鏡得寵太上皇押勝寵

稍衰押勝意不自安乃諷太上皇為都督四畿內三關
近江丹波播磨等國兵事使掌兵自備請營內兵士每
國二十五人五日更番集都督衛簡閱武藝準諸國試
兵之法押勝私倍其數用乾政官印而下之既而事覺
詔削押勝官位并除藤原姓字乃遣使守三關押勝遂
反与其黨走據近江山背守日下部子麻呂衛門少尉
佐伯伊多智等先至近江燒勢多檣押勝不得進遂走
高島郡因立冰上鹽燒為帝以其子真光朝攝為三品
帝敕從五位下藤原藏下麻呂將兵討之押勝乃使精

兵數十人愛發間殺刀物部廣成拒而却之押勝狼狽失據乘船赴鹽津遭暴風漂蕩乃取山道直赴愛發伊多智等距之押勝還至高島郡三尾崎与佐伯三野大野真本等戰自午及申官軍疲頓會藏下麻呂兵至真光引衆而退三野等乘勝逐北殺傷頗多押勝乘船逃亡官軍水陸並攻押勝阻勝野鬼江盡銳距戰衆皆潰散与妻子三四人浮江軍士石村石楠獲押勝斬之傳首京師餘黨悉平○以太宰員外帥藤原豐成爲右大臣○上皇以僧道鏡爲大臣禪師尋赦押勝所改官名

悉復其舊○初帝因押勝得立及押勝見誅太上皇帝爲黨押勝冬十月遣兵部卿和氣王左兵衛督山村王外衛大將百濟敬福等率兵數百圍中宮院廢帝爲淡路公使右兵衛督藤原藏下麻呂衛送配所幽之一室在位七年太上皇再登祚

稱德天皇初出家爲尼至是再臨萬機○天平神護元年春二月改授刀衛爲近衛府始置內廐寮○三月禁王臣私蓄兵器○秋八月參議兵部卿和氣王謀反代誅和氣舍人親王孫原王之子也時皇嗣未立和氣竊

懷觀觀紀益女以巫鬼受寵和氣厚賂之又与參議栗田道麻呂兵部大輔大津大浦等數會飲密語謀頗泄和氣畏禍及逃亡敕索之獲於率河社中流之伊豆至山背相樂郡絞殺之道麻呂大浦等亦坐其黨竄謫○九月更鑄神功開寶錢○冬十月行幸紀伊至玉津島○淡路公薨於配所初帝廢公敕淡路國司具報其動靜又慮廷臣有通心淡路者命嚴守衛至是公不勝憂憤踰垣而逃守佐伯宿禰等率兵邀之公還明日薨於院中○閏月以大臣禪師道鏡為太政大臣禪師詔使

文武百官拜賀之○十一月右大臣藤原豐成薨○創

西大寺

創西大寺水鏡元享祇書

○二年春正月以大納言藤原永

手為右大臣永手房前之子也○夏四月大宰府言防

賊戍邊本資東國之軍今割筑前等兵士以為防人以

其所遣分番上下人非勇健防守難濟望請東國防人

依舊配戍敕計六國所點防人所欠之數差點東人以

填三千使東國勞少西邊兵足○有一男子自稱聖武

帝子石上志斐氏所生勘問無實詔配遠流○冬十月

山階寺僧基真詐咒縛童子教說人陰事作毘沙門像

置數顆小珠於前稱現佛舍利道鏡欲眩衆以爲已瑞
乃諷帝赦天下賜人爵一級帝大悅迎舍利擇諸氏有
容貌者二百人服金銀朱紫捧幡蓋列前後百官主典
已上拜之以道鏡善教導僧徒感得舍利詔授法王位
并授基真法參議圓興法臣位圓興基真師也法王月
料準供御法臣準大納言法參議準參議於是道鏡來
鑾輿服食一擬供御政無巨細莫不取決○置法王官
職以造宮卿高麗福信爲大夫○右大臣藤原永手爲
左大臣大納言吉備真備爲右大臣○神護景雲元年

春二月車駕臨大學釋典○二年秋七月敕崇孔子用
文宣王謚初膳大丘ハナテヲホサカ隨使如唐見奉謚號孔子至是上
言請用其號從之○冬十二月流法參議基真於飛驒
基真恃勢狂虐不避朝貴至是坐凌突圓興流竄○三
年春正月法王道鏡受大臣以下賀於西宮前殿○秋
八月流從五位下和氣清麻呂於大隅初太宰主神中
臣習宜阿曾麻呂媚附道鏡矯ウツ宇佐八幡神教曰今道
鏡即位則天下太平矣道鏡聞之稍懷覬覦帝惑之召
清麻呂謂之曰朕昨夜夢八幡大神使來曰大神欲憑

汝妍法均有言汝宜代之往受神教臨發道鏡瞋目按劍謂清麻呂曰大神欲令我即位故使卿請命因誘以美官路豐永嘗為道鏡之師至是謂清麻呂曰道鏡若登天位吾何面目事之乎吾与二三子從伯夷游耳清麻呂深然其言路豐永已下日本後記遂詣神宮請教大神憑人曰我國家開闢以來君臣分定矣以臣為君未之有也天日之嗣必立皇緒無道之人宜早剪除清麻呂還奏道鏡大怒解其本官為因幡員外介未之任追咎其矯神教欺罔朝廷改姓名別部稚麻呂流于大隅道鏡使

人殺之於道俄而雷雨晦暝使者未發會敕使來獲免參議藤原百川愍其忠烈割其封戶給之使人已下日本後記○

冬十月行幸飽浪宮遂行幸由義宮詔以由義宮為西京河內國為河內職○四年春二月行幸由義宮○夏

四月先是藤原仲麻呂之乱帝發願造三層小塔一百万至是成分置諸寺○四年秋八月帝崩壽五十三初

帝幸由義寺道鏡狎褻道鏡欲益悅帝意進以滌具帝由此得疾還平城竟不起初帝已下水境在位六年并前朝九

十六年改元者二曰天平神護神護景雲群臣定策迎

白壁王立之是為光仁天皇

皇朝史略卷之三終

皇朝史畧卷之四

水府史臣青山延于著

男 延光校

光仁天皇諱白壁シラハ天智帝之孫志貴親王之子也稱德

帝崩參議藤原百川ヒロカハ与左大臣藤原永手ナガテ等議奉帝為

皇太子今書不載藤原百川補任水鏡○貶僧道鏡為造下野藥

師寺別當流大納言弓削淨人及其子廣方等於土佐

淨人道鏡弟起布衣八年間至大納言至是流竄○以

河内職復為河内國○九月召還流人和氣清麻呂○

冬十月帝即位改元寶龜○十一月追尊皇考志貴親

王曰春日宮天皇立妃井上內親王為皇后○是歲遣

唐學生阿倍仲麻呂卒于唐仲麻呂者中務大輔船

守子也性聰敏好讀書年十六選為遣唐留學生船守

攝僧顯昭古今多所該識易姓名曰朝衡按朝取朝臣

集抄引國史如高向黑麻呂稱高玄理之類也玄宗授左補闕為儀

王友書後至秘書監王維兼衛尉卿勝寶中藤原清河

至唐玄宗命仲麻呂接伴日本高僧及清河還仲麻呂

欲歸古今集玄宗因命為使王維包結趙璘等皆贈以

詩文苑英華海上遇風漂泊安南日本紀略李白以為漂沒

作詩哭之李白集後于清河復至唐日本紀略肅宗擢左散騎

常侍安南都護唐書至是卒年七十代宗贈潞州大都督

紀仲麻呂在唐五十餘年身雖榮貴思歸不已言及鄉

園未嘗不悽惻嘗望月為和歌後世傳為絕唱古今集抄清

河在唐十餘年亦卒于唐○二年春正月立皇子他戶

親王為皇太子○二月左大臣藤原永手薨○三月以

大納言大中臣清麻呂為右大臣正二位藤原良繼為

內臣○右大臣吉備真備致仕致仕據書真備薨後及補任○秋九

月罷左右平準署○三年春正月渤海來貢以表文無禮却之○三月廢皇后井上內親王○夏五月廢皇太子為庶人○秋八月遣使浚路改葬廢帝○四年春正月立皇子中務卿山部親王為皇太子初皇后淫恣帝即老惑溺不悟時山部親王素得時望參議藤原百川常屬意親王欲以計傾后併廢太子會帝与后奕賭以美女美丈夫后勝責輸不已帝甚慙沮百川勸帝遣山部親王侍后后大寵之既而帝悔恨后竊投毒宮井又咒詛帝百川推問得實奏請暫幽后於縫殿寮使自思

過帝從之百川乃矯作宣命會公卿於太政官傳宣曰廢皇后及皇太子帝大驚曰欲使后悛心何遽至如此對曰母有罪而子驕固宜廢黜雖氣甚厲帝不能奪后及太子遂廢群臣奏請早定儲位帝擇所立百川請立親王帝以乂倫不許百川曰親王之侍皇后實陛下之所命也豈其本心哉參議藤原瀆成曰山部親王母賤宜立梶田親王百川按劍叱之曰瀆成之言非也夫建儲以賢不論母之貴賤山部親王令聞夙著天下屬意願勿他議帝不答起入內百川厲聲曰不承聖斷則臣

不肯退立殿前四十餘日帝感其誠惻乃許之至是遂立為儲貳時人稱百川忠烈初皇后已下水鏡百川字令之子也

外史氏曰藤原百川援立光仁帝曰桓武帝之立為儲貳又賴其力若百川者可謂忠於社稷也然觀其所為傾險鄙褻不近人情雖玄邪之小人不敢為之況於忠亮之臣乎蓋皇后之廢以巫蠱則太子之廢亦必坐之未必如故老之所傳而稗官小說欲成其美緣飾傳會以至於耶果如其說則百川廼

權變諂詐之尤甚者耳何得為忠亮哉然當時正史已諱而不書而獨出於稗官野史之說則安能保其無謬哉百世之下遂使賢主蒙汚忠臣受誣可慨也夫

○夏六月渤海來貢責其無禮却之○秋七月祭疫神於天下諸國○五年春三月新羅入貢責其無禮却之○秋七月敕陸奧鎮守將軍大伴駿河麻呂討蝦夷○冬十一月駿河麻呂討平蝦夷○六年夏四月廢后井上內親王庶人他戶並卒○秋九月前右大臣吉備真

備薨真備下道國勝之子年二十二往唐學問研究經史兼綜衆藝我朝學生播名于唐者唯真備与阿倍仲麻呂二人而已孝謙帝在東宮為學士授禮記漢書恩寵甚渥賜姓吉備以青宮舊恩累遷至右大臣初大學釋奠其儀未備真備依舊禮典器物始備礼容可觀藤原仲麻呂之反也真備度其必走遣兵徼之指麾部分曲得其宜賊遂平其輔朝政多所裨補至是薨年八十三○八年春正月以内臣藤原良繼為内大臣○夏四月渤海來貢○六月遣從五位上小野石根從五位下

大神末足于唐先是以正四位下佐伯今毛人為遣唐大使病不能行至是敕石根持節行大使事○秋九月内大臣藤原良繼薨○九年春正月改葬廢后井上内親王○三月以大納言藤原魚名為内臣尋改内臣為忠臣○十年春正月以忠臣藤原魚名為内大臣○二月贈故遣唐大使藤原清河從二位副使小野石根從四位下初石根如唐及還唐主使内使趙寶英護送之海上遭風覆沒大神末足等僅得歸○渤海來貢○夏五月唐使孫興進等來○秋七月參議中衛大將藤原

百川薨百川幼有器度累歷顯要盡心納忠帝甚信任委以腹心及薨帝悼惜詔贈從二位延歷初追贈右大臣○十一年春正月新羅入貢○三月陸奧上治郡大領伊治若麻呂反殺按察使紀廣純蝦夷大亂以中納言藤原繼繩為征東大使正五位下大伴益立從五位上紀古佐美為副使以從五位下大伴真綱為陸奧鎮守副將軍從五位上安倍家麻呂為出羽鎮狄將軍以討蝦夷○秋九月以正四位下藤原小黑麻呂為持節征東大使○天應元年夏四月帝禪位於皇太子在位

十二年改元者二曰寶龜天應皇太子立是為桓武天皇

桓武天皇諱山部光仁帝長子也母皇太后高野氏寶龜四年立為皇太子至是受禪即位○立皇弟早良親王為皇太子○五月始置中宮職○六月右大臣大中臣清麻呂罷○以內大臣藤原魚名為左大臣○秋八月陸奧按察使藤原小黑麻呂凱旋○冬十二月太上天皇崩壽七十三○延曆元年春閏正月冰上川繼謀反事覺流于伊豆三島貶黜其黨三十五人○夏六月左

大臣藤原魚名坐事免○以大納言藤原田麻呂為右大臣田麻呂字合之子也○二年春三月右大臣藤原田麻呂薨○秋七月以大納言藤原是公為右大臣是公參議乙麻呂之子也○三年春二月以從三位大伴家持為持節征東將軍從五位上文屋与企為副○夏六月遣使長岡經始都城營作宮殿○冬十一月遷都長岡○四年秋七月刑部卿兼因幡守淡海三船卒三船帝大友曾孫池邊王之子也初為諸王勝寶中賜姓淡海真人後為大學頭兼文章博士為人聰敏涉覽群

書善屬文嘗奉敕定神武以來謚號

嘗奉敕已下傳狀日本記引本記

○九月廢皇太子初帝好游幸委政太子太子以佐伯今毛人為參議中納言藤原種繼以為佐伯氏未嘗任參議奏罷其職太子由是深惡種繼常欲除之初帝已水鏡會帝幸平城種繼与右大臣藤原是公留守太子使人射殺種繼帝聞變大驚明日還宮搜索其賊捕獲左少辨大伴繼人近衛伯耆掾麻呂中衛杜鹿木積麻呂及大伴竹良等命右大辨石川名足鞠之悉獲其黨与窮問皆服罪事連太子於是誅其首惡繼人流其黨与廢

太子幽於乙訓寺太子絕食十餘日不死遣宮內卿石川垣守等流太子於淡路至高瀨橋而氣絕載屍葬之淡路日本紀畧種繼宇合之孫也帝甚親任中外機務悉裁決焉遷都長岡首建其議及薨帝甚悼惜贈正一位左大臣○冬十一月立皇子安殿親王為皇太子○五年渤海來貢○六年冬十一月遣大納言藤原繼繩祀天神於交野力多配以光仁帝○七年春三月發坂東諸國步騎五萬餘限以來年三月會于多賀城以征蝦夷○秋七月以參議中衛中將紀古佐美為征東大將軍○前

右大臣大中臣清麻呂薨○是歲僧最澄創根本中堂

於比叡山是歲已下水鏡後號延曆寺最澄近江人幼穎悟年

十二削髮為僧博通經論延曆末如唐至天台國清寺

師道遂傳台教貞觀中謚傳教大師賜大師號始此

元亨紀書○八年春三月諸國軍士會于多賀城分道討賊

○秋七月敕廢伊勢美濃越前三國關○九月征討將

軍紀古佐美還自陸奥敕責古佐美逼遛敗軍之罪解

鎮守副將軍池田真牧安倍黑繩等官○右大臣兼中

衛大將藤原是公薨○九年春二月以大納言藤原繼

繩為右大臣繼繩豐成之子也○冬十月召見道守東人於禁內東人年一百二十二顏如少年賜衣服遣之○十年秋七月以從四位下大伴弟麻呂為征夷大使正五位上百濟俊哲從五位上丹治比瀆成從五位下坂上田村麻呂為副○九月以征東副使百濟俊哲兼陸奥鎮守將軍○十二年春正月遣大納言藤原小里麻呂左大辨紀古佐美等于葛野郡宇太村相遷都地十二年已下○三月改攝津職為國○築新京宮城○類聚國史十三年秋八月先是敕右大臣藤原繼繩等修國史至

是成奏上焉○冬十月遷都新京○十一月詔改山背為山城號新京曰平安○十四年春正月征夷大將軍大伴弟麻呂凱旋○冬十二月聽參議以上著白玉帶○十五年春三月敕諸國舉武技出衆者日本○夏四月渤海來貢○秋七月右大臣兼中衛大將東宮傳藤原繼繩薨○九月敕置烽燧於山城河內以備不虞○冬十一月鑄隆平永寶錢○十六年春二月先是重敕皇太子學士菅野真道等撰續日本紀至是成上之日本○冬十一月以從四位下坂上田村麻呂為征夷

後紀
紀畧

大將軍紀○是歲置筑前國司隸人宰府三代○十七

年夏五月遣使渤海紀○秋八月以大納言神王為右

大臣神王光仁帝孫補任親王之子也公卿○冬十二

月渤海來貢○十八年春正月敕聽五位已下著玳瑁

帶紀○二月民部卿兼造宮大夫美作備前國造和氣

清麻呂薨清麻呂右京人為入枕直有匪躬之節歷事

稱德光仁及帝練達庶務尤明古事撰民部省例二十

卷又撰和氣譜菅闕義田於備前永充振給鄉民賴之

及薨贈正三位日本後記清麻呂嘗創弘文院以教子弟始

抄○秋七月有一人乘小船漂著參河以布覆背在肩

著細布形似袈裟年可二十身長五尺五分耳長三寸

餘言語不通不知何國人唐人見之曰崑崙人後頗習

中國語自謂天竺人常彈一絃琴歌聲哀楚聞其資物

有如草實者謂之綿種因居之川原寺日本後紀以其

所齋綿種類聚國史試令紀伊淡路阿波讚岐伊豫土佐等國植

之類聚國史○十九年春二月禁民輸錢求爵○秋七月追

號庶人早良為崇道天皇追復井上內親王為皇后○

冬十一月遣征夷大將軍坂上田村麻呂檢諸國夷俘

○是歲富士山焚○二十年秋九月征夷大將軍坂上
田村麻呂奏討平夷賊○冬十月田村麻呂凱旋○二
十一年春正月遣田村麻呂築陸奥膽澤城○夏四月
田村麻呂奏言蝦夷酋大墓公阿氏利為盤貝公母禮
等率其眾五百餘人而降○五月以富士山焚石墜足
柄路關宮根路○秋七月坂上田村麻呂將蝦夷二酋
至京師○二十二年春三月田村麻呂築志波城備蝦
夷○夏五月廢宮根路復足柄舊路紀略○二十三年春
正月以從三位坂上田村麻呂復為征夷大將軍○三

月遣從四位下藤原葛野麻呂

按性靈集作有書作與能即此也從

五位上石川益立於唐當時遣使口宣辭命無國書云

當時曰下據性靈集僧空海代賀融寺福州觀察使書

○二十四年秋七月葛野

麻呂等還自唐葛野麻呂能書為唐人所稱

唐書○

冬十二月召群臣議政事得失參議藤原緒嗣言方今

之患在兵与土木請罷二者以紓民力帝嘉之立罷其

役緒嗣百川之子也

百川子據補任

外史氏曰古之人君所以廓大功業而開拓境上者

莫不由內有譽謬之臣以匡補其德外有爪牙之士

以宣布其威也。帝天資英邁，內務作興，外事戎旅，任用才雋，文武稱職，獻可替否，則有藤原緒嗣之徒，折衝禦侮，則有坂上田村麻呂之徒，故能一攘蝦夷，而終無東顧之憂，暫營都城，而永建無疆之基，觀其聽緒嗣之言，立羅徭役，可謂改過不吝，從諫如流者矣。書云：知人則哲，又云：好問則裕。帝既有知人之鑑，又有納諫之美，其所以能成洪業而垂裕後昆者，盖以此歟。

○二十五年春三月，帝崩，壽七十。葬柘原陵。日本後世

稱拓原天皇

江家次第

帝性英武，勵心政治，內事興作，外攘

夷狄，雖經費巨多，後世賴焉。

日本後紀

在位二十五年，改元

者一曰延曆，皇太子立，是為平城天皇。

平城天皇，諱安殿，桓武帝長子也。母皇后藤原氏，延曆

四年立為皇太子。二十五年三月，桓武帝崩，五月即位。

改元大同，立皇弟神野親王為皇太弟。○先是，右大臣

神王薨。

日本後紀日本紀畧

至是以中納言藤原內麻呂為右大

臣。

公卿補任

內麻呂，真楯之子也。○始置六道觀察使。○六

月，敕諸王及五位已上子孫十歲已上皆入大學，分業

教習○秋七月詔曰比公卿奏日月云除聖忌將周國家故事就吉之後遷御新宮請預營構夫上都先帝所建水陸所湊道里惟均故不憚艱勞期以永遠棟宇相望規模合度欲使後世子孫無所加益朕忝承聖基嗣守神器更事興作恐乖成規朕為民父母不欲煩勞思處舊宮禮亦宜之卿等宜知朕意焉日本後紀○二年春二月徙五位下齋部廣成上古語拾遺古語拾遺○夏四月改近衛府為左近衛府中衛府為右近衛府○冬十一月殺皇弟中務卿伊豫親王先是藤原宗成勸親王潛謀

不軌親王拒之不從而猶未以聞親王舅大納言藤原雄友告之右大臣藤原內麻呂親王大懼遽奏宗成勸反狀即繫宗成於左衛士府按驗之宗成誣言首謀反逆者親王也日本後紀左近衛中將安倍兄雄固保其無罪帝不聽日本後紀遂遣兄雄及左兵衛督巨勢野足等率兵圍親王第至是詔削親王號幽之河原寺不通飲食親王与其母藤原吉子仰藥而死宗成坐配流日本後紀○三年夏五月先是敕衛門佐安倍真直侍醫出雲廣貞等撰大同類聚方至是成上之○復置筑前國司○秋七月廢

衛門併左右衛士府廢衛士府主帥各六十人置門部各一百人其諸門禁衛令衛士府主之號曰左右衛負

府日本後紀○九月聽親王及觀察使已上并六衛府次官

已上養鷹鷄三代格○四年春二月勅倭漢總歷帝譜圖

天御中主尊標為始祖至如魯王吳王高麗王漢高祖

等接其後裔倭漢雜糅取垢天宗愚民迷執輒謂寶錄

宜使諸司官人等所藏皆進若有挾詐隱匿罪者不進

者事竟之日必處重科○三月傳位皇太弟日本後紀在位

四年改元者一曰大同皇太弟立是為嵯峨天皇

嵯峨天皇神武第二子也大同元年立為皇

太弟至是受禪即位○立皇姪高岳親王為皇太子○

冬十月渤海來貢日本後紀○十一月太上皇遣右兵衛督

藤原仲成造宮平城國史○弘仁元年春正月太上皇

遷御平城宮水鏡○三月始置藏人所職事補任○夏六月太

上皇詔罷觀察使復參議號日本後紀○秋九月初尚侍藤原

藥子有寵於太上皇居中用事矯附百端其兄右兵衛

督仲成恃勢驕恣陵侮王公日本後紀藥子密謀使太上皇

踐祚已居后位水鏡至是藥子遂矯命將遷都平城都下

勳帝大怒收仲成下詔暴白藥子罪狀奪其官位
於官外太上皇怒遂發兵與藥子同興而東帝使人誅
仲成遣大納言坂上田村麻呂參議文室綿麻呂將兵
邀美濃路又發兵扼諸路要害太上皇不得進還官
藥子自殺藥子種繼之女也初適中納言藤原繩上
生三男二女太上皇之在儲官也其長女以選入宮藥
子為東官宣旨太上皇私為桓武帝惡而逐之太上皇
即位召為尚侍藥子巧求愛媚甚見嬖幸竟啓亂階云
○廢皇太子立皇弟中務卿大伴親王為皇太弟○勳

海來貢○冬十二月先是減左右近衛之數至是敕復

舊額後日本○是歲以皇女有智內親王為賀茂齋置齋

院始此貴女抄一○二年春正月丙午觀青馬七日觀

青馬始此水鏡○按年中行事公事根源以承和元年

從水鏡知今○夏四月以正四位上文室綿麻呂為征夷

將軍從五位下大伴今人佐伯耳麻呂坂上鷹養為副

○遣使於渤海○五月大納言兼右近衛大將坂上田

村麻呂薨年五十四田村麻呂刈田麻呂之子也赤面

黃鬚眼如蒼隼勇力絕人有將帥之量數征蝦夷每出

有功寬容待士能得死力日本後紀服如蒼車水鏡及薨帝深悼惜

贈從二位親贊其像後紀○秋七月遣征夷將軍

文室綿麻呂征蝦夷○冬十一月改左右衛士府曰左

右衛門府○三年春二月幸神泉苑觀花花宴節始此

○夏六月遣使攝津造長柄カサ○冬十月右大臣兼左

近衛大將藤原內麻呂薨內麻呂少有令望德量溫雅

歷事三朝甚被信任典樞機十餘年靡有愆失初庶人

他戶為太子時性甚殘虐好害名流有一惡馬馭必踉

蹌太子令內麻呂乘之見其毀傷以為娛樂內麻呂乘

之惡馬低頭不動執鞭迴旋人以為非常之器及薨贈

從一位左大臣○十二月以大納言藤原國人為右大

臣日本後紀園人房前孫大藏卿楓麻呂之子也公卿補任○五

年夏五月詔賜皇子信弘常明等源朝臣姓○秋九月

渤海來貢○六年春三月敕軍用之要以馬為先今聞

權貴之家富豪之徒通使邊邑求馬夷狄部內由此不

肅兵馬所以闕乏宜依延曆六年格禁買陸奧出羽兩

國馬若有犯違實以嚴科○夏六月令畿內及近江丹

波播磨等國植茶每年獻之日本後紀○秋七月中務卿萬

多親王右大臣藤原園人等上新羅姓氏錄初帝憂神武已來諸氏濫雜尊卑混淆詔園人及藤原緒嗣甄別之以親王精譜字命攷定之至是成上之姓氏錄○冬十月敕定婦人服飾乘車制日本後紀○七年冬十月太宰府言新羅清石珍等一百八十人歸化日本後紀○是歲僧空海創金剛峰寺於高野山歷代皇紀空海讚岐多度人姓佐伯氏少游大學博學多通深歸佛法落髮為僧延曆末隨使如唐師青龍寺僧惠果遂傳密教續日本後紀喜中謚弘法大師○九年春三月詔朝會拜跪及常服

之制不論男女一準唐儀○夏四月改殿閣諸門號皆題榜之紀命僧空海書南門榜橘逸勢書北門榜東西門上自書之江談抄逸勢奈良麻呂孫入居之子也最妙隸書延曆末隨使如唐唐人呼為橘秀才文德實錄奈實錄○冬十一月鑄富壽神寶錢○十二月右大臣兼皇太弟傳藤原園人薨○十年春三月詔復故夫人吉子及伊豫親王位號○冬十一月渤海來貢○十一年春二月新羅人配遠江駿河者七百作亂二國發兵討之不克賊遂逃入海發相模武藏等七國兵討平之日本後紀

○夏四月施行弘仁格十卷貞觀先是詔大納言藤原

冬嗣中納言藤原葛野麻呂等撰格式弘仁至是成觀

格○十二年春正月以大納言藤原冬嗣為右大臣紀

冬嗣內麻呂之子也補○冬十一月渤海來貢○十二

月復置畿內諸國博士醫師○十四年春二月幸有智

內親王山莊紀閑宴賞花令群臣賦詩內親王獻詩曰

寂寂幽莊山樹裡仙輿一降一池塘棲林孤鳥識春澤

隱澗寒花見日光泉聲近報初雷響山色高積暮雨行

從此更知恩願渥生涯何以答穹蒼內親王時年十七

上大歎賞授三品續日本後紀○三月割越前江沼加賀二

郡置加賀國○夏四月帝傳位於皇太弟帝幼聰敏好

讀書及長博覽經史善屬文妙草隸新時僧空海亦善

草隸善草隸據高僧傳要文抄帝每与空海競優劣一日帝出法帖

示之中有絕佳者帝殊寶愛謂空海曰此唐人墨迹誠

不可及也恨未知何人空海曰是臣空海在唐時所作

帝以其體異不信空海乃裂軸奏覽書曰某年某日沙

門空海書于青龍寺帝始歎服空海口及左右手足揮

筆並書世稱五筆和尚著聞集嘗奉敕書應天門榜及既

釘少應字一默空海乃擲筆填之毫無差謬觀者服其妙云

水鏡高僧傳要文抄元亨秋書

帝在位十五年改元者一曰弘仁

皇太弟立是為淳和天皇

淳和天皇諱大伴嵯峨帝弟也母贈皇太后藤原氏弘

仁元年立為皇太弟至是受禪立皇姪正良親王為皇

太子○是歲渤海來貢○天長元年春三月詔以皇太

后忌月廢五月五日節公卿奏請以九月九日觀騎射

從之○夏六月僧義真為天台座主置座主始此

座主記嚴義

後要記 僧人嘗從最澄如唐

元亨秋書 ○秋七月

平城上皇崩壽五十一○冬十月停多祓國司隸大隅

○二年夏四月以右大臣藤原冬嗣為左大臣大納言

藤原緒嗣為右大臣○秋八月置畿内七道巡察使○

是歲渤海來貢○三年秋七月左大臣藤原冬嗣薨

紀冬嗣器局溫雅才兼文武寬容接物歷事四朝公卿

嘗置施藥院收養親族貧婁者又創勸學院教授子弟

析封戶以給之

讀日本後紀

世稱閑院大臣

補冬嗣

嘗歎藤

原氏之衰建南園堂於興福寺以祈興隆其子良房至

攝政子孫勢位赫奕世無与比

云大鏡正統記元亨秋書

○九月

始改上總常陸上野三國守稱太守以親王領之三代

○六年夏五月敕諸國造水車○七年秋七月大納言

兼右近衛大將良岑安世薨紀安世桓武皇子延曆末

賜姓少好鷹犬善騎射多伎藝及長始讀孝經輟卷而

歎曰名教之極其在斯乎自是篤志學術卒成名臣補

安世有文藻嘗奉敕与東宮學士滋野貞主撰經國集

二十卷行于世○冬十月大納言藤原三守等上新撰

格式○八年秋八月幸神泉苑召阿波守善道真貞主

稅頭安野真繼直講刈田種繼等論經義真貞為座首

論三傳義真繼論三禮義紀○是歲敕東宮學士兼因

幡介滋野貞主与諸儒集古今文書作秘府略一千卷

文德○九年冬十一月以右大臣藤原緒嗣為左大臣

大納言清原夏野為右大臣紀夏野三原王之孫也補

○十年春二月右大臣清原夏野上令義解初藤原不

比等作令傳歷已久當時學者互作異同乃詔夏野疏

決壅滯解釋文義夏野与參議南淵弘真藤原常嗣文

章博士菅原清公等論辨折衷作義解十卷至是成上

之義解○帝傳位於皇太子在位十一年改元者一曰

天皇太子立是為仁明天皇

仁明天皇諱正良嗟峨帝第二子也母皇后橘氏淳和

帝受禪立為皇太子至是受禪立恒貞親王為皇太子

○夏四月制復五月五日節○承和元年春二月敕禁

用金銀薄泥○二年春正月鑄承和昌寶錢○三月太

宰府言壹岐嶋遙居海中地勢狹隘縱有外寇難以應

猝請發土民三百三十人常戍要害許之○秋七月御

紫宸殿始令正四位下菅原清公侍讀後漢書清公遠

江介古人之子也少涉經史延曆中補文章生對策登

科除大學少允尋為遣唐判官至唐見德宗弘仁中改

天下禮儀用唐制傍殿閣肄百官舞蹈皆其所建白也

○九月外從五位下島木史真製機弩左右旋轉四面

可發○詔於朱雀門試之機發如神○三年夏四月

賜宴遣唐大使藤原常嗣等詔群臣五位已上賦詩錢

之常嗣為野麻呂之子也少游大學涉獵史漢諳誦文

選為文工隸書父子相繼充此選人以為榮○五月

以遣使于唐詔贈奉使于唐及留學生在唐身沒者位

藤原清河贈從一品安倍仲麻呂正二品石川益立從

四品其餘紀馬主甘南備信影等各贈位有差○四年冬十月右大臣清原夏野薨○五年春正月以大納言藤原三守為右大臣三守參議巨勢麻呂之孫也○秋七月遣唐使發太宰府○冬十二月流遣唐副使小野篁于隱岐先是藤原常嗣為大使篁為副使既發遭風漂迴時常嗣駕第一船篁駕第二船常嗣以篁船堅固奏易已船篁忿恚遂稱病獨留作西道謠以刺之其詞頗犯忌諱嵯峨上皇覽而大怒竟見貶竄○六年秋七月令畿內國司勸種蕎麥○九月遣唐大使藤原常嗣

還自唐○七年春二月召還流人小野篁○夏四月癸丑灌佛於清涼殿灌佛始此○五月淳和上皇崩壽五十五初上皇不豫殞命薄葬欲不營山陵中納言藤原吉野奏曰自古帝王不起山陵所未嘗聞也山陵猶宗廟若無宗廟臣子何仰吉野藏下麻呂之孫也○秋七月右大臣兼皇太子傅藤原三守薨三守稟性溫恭明于決斷登入大學受習五經優待文士遇諸塗則下馬而過人以此稱之○八月以大納言源常為右大臣○八年冬十一月彗星見西方○十二月左大臣藤原緒

嗣等上日本後紀十二月已下○九年秋七月嵯峨上

皇崩壽五十七○廢皇太子先是阿保親王密上書嵯

峨太皇太后告東宮帶刃伴健岑等謀奉太子入東國

作亂太后使中納言藤原良房奏之遣兵收健岑及其

黨与太子懼請辭位帝曰健岑凶逆不聞太子宜勿介

懷會上避暑冷然院太子從焉適有飛書告健岑教太

子謀反事帝遂信之乃捕東宮僚屬廢太子遷之淳和

院太子懼已下水鏡已流健岑于隱岐坐事貶竄者數十人太子

幼岐疑能讀經史頗属文尤妙草隸太子幼已下後嘗拾遺往生傳

奏曰皇太子釋奠於大學是舊儀也此礼久廢未知所

以帝曰昔者天平末大臣吉備真備勸高野天皇幸大

学行此礼其後八十餘年廢而不行今太子心有興復

其可嘉尚即救太子率百官行礼後拾遺往生傳太子恒貞傳殘編

才慧日進深達世故自以為身非家嫡而居儲宮二上

皇憂駕之後禍機難測乃令春澄善繩作表冀效太伯

劉彊以避賢路不許至是廢黜非其罪朝野悲之恒貞傳殘編

編

外史氏曰 嵯峨帝舍其子而立 淳和帝 淳和

帝亦舍其子而立仁明帝其所為一出於至公而
毫無私天下之心仁明帝之立恒貞可謂善體
二帝之意者也然而一旦聽讒遂廢太子愧于二
帝多矣蓋恒貞之立出於嗟峨上皇之意故上
皇未萌人無間之及上皇崩藤原氏之徒欲立其
出遂構陷之庸詎知健岑之反非讒諛之徒媒孽以
成其罪哉矯逸勢不服其罪亦足以明其誣也而
帝竟不悟使太子負冤而讒夫得志可慨也夫
但馬權守矯逸勢以黨健岑被執鞠問不服改姓非人

減死流于伊豆道死其女至孝徒步從父監護者叱之
使去女乃晝止夜行遂得相從及父死號咷哀慕收屍
葬之廬于墓側落髮為尼後負其屍以還人皆異之稱
為孝女但馬已上文德實錄○八月立皇子道康親王為皇太子

○大宰大貳藤原衛上奏曰新羅朝貢其來尚矣而自
聖武帝之時迄于聖朝不遵舊制常懷奸心苞茅不貢
託事商賈窺國消息方今民窮食之若有不虞何以防
之望請新羅人一切禁斷不入境內許之○冬十月三
品彈正尹兼上總大守阿保親王薨親王平城皇子生

子仲平行平守平業平賜姓在原朝臣三代實錄○十年春正月左大臣藤原緒嗣致仕○秋七月前左大臣藤原緒嗣薨緒嗣曉達政事國之利害知莫不言但偏信先入之言不容後說以此得譏○十一年秋七月以右大臣源常為左大臣大納言攝氏公為右大臣氏公奈良麻呂孫清友之子也初寶龜中渤海來貢清友以良家子姿儀魁偉中選接伴使人史都蒙善相見清友曰此人風骨不常子孫大貴後清友女為嵯峨帝后氏公官至台輔終如都蒙之言初已下文德實錄奈良麻呂孫如攝氏四○十

二年春正月尾張濱主舞長壽樂於殿前時年一百十三帝賜衣賞之○十三年秋八月正三位藤原吉野薨吉野自少游學不耻下問累官至中納言以親老請解職侍養不許吉野性至孝定省溫清造次無闕其父嘗聞有鮮肉遣人索之庖人以吉野不在弗與吉野歸而聞之大悔恨責讓庖人終身不復食肉先是坐伴健岑事貶太宰員外帥後遷配山城至是薨○十四年冬十月遣唐請益僧圓仁還自唐圓仁姓士生氏下野人幼而警後年十五入京師師最澄隨使如唐後為延曆寺

座首清和帝召受菩薩戒貞觀中謚慈覺大師姓已下三代實

錄○十二月右大臣橘氏公薨○嘉祥元年春正月以

大納言藤原良房為右大臣○秋九月鑄長年大寶錢

○是歲渤海來貢○三年春正月有流星竟天墜東大

如月色赤青○三月帝崩壽四十一葬深草陵世稱深

草帝世稱已下愚管抄帝性聰敏博綜衆藝最好經史工射善

書淳和帝工草書帝妙得其法人不敵別止初桓武帝

遷都平安營造宮室窮極工巧至帝尤好奢靡後宮之

飾氣絕古今由是府帑空虛賦斂益起論者譏焉初已下三

善清行意見封事在位十八年改元者二曰承和嘉祥皇太子

立是為文德天皇

文德天皇諱道康仁明帝長子也母皇太后藤原氏承

和九年立為皇太子至是受禪○夏四月太宰帥葛井

親王薨親王桓武皇子幼警悟年六歲勅賜帶劍後歷

兵部卿上野常陸太守叙三品嵯峨帝嘗御豐樂院觀

射親王及群臣以次射親王時年十二帝戲謂曰弟雖

幼釋當執弓矢親王應敕而起再發皆中時親王外祖

坂上田村麻呂侍坐喜甚起抱親王而舞進奏曰臣嘗

將數十萬衆征討東夷實賴天威以致平定自料兵畧有所未究今親王在薊武技如此非臣等所及帝笑曰將軍懷揚外孫何甚過多○五月太皇太后攝氏崩初后未葬時法華寺有尼禪雲者把后臂謂曰娘子當大貴嵯峨帝立冊為皇后專務化導官闈邕穆后信釋氏嘗創檀林寺世稱檀林皇后又与弟右大臣氏公謀建學館院教諸子弟時人以比漢鄧皇后○冬十一月立皇子惟仁親王為皇太子○仁壽元年春二月遷清涼殿材造嘉祥寺○夏四月召從四位下春澄善繩於

北殿講文選善繩字名達周防大目豐雄之子也本姓猪名部弱冠入学博洽多通妙詞藻明敏強記當時學

者無能及焉天長中及策補俊士賜姓春澄信補名達

三代實錄○二年冬十二月參議左大辨小野篁薨參議

岑守之子也篁少好馳馬不事學業嵯峨帝聞而歎曰

斯入之子而為弓馬之士豈不惜乎篁由是慚悔始志

于學弘仁中及第累官為彈正大弼坐事配流在路作

謫行吟七十韻人咸傳誦後赦歸復本位至參議左大

辨至是薨年五十一世稱野相公質事母至孝家素清

貧俸入皆施親友文章冠絕當時最妙草隸初在太宰府與唐人沉道固數相唱和道固稱其富艷嘗侍嵯峨帝於河陽館帝賦詩一聯曰閑閣唯聞朝暮鼓登樓遙望往來船以示篁篁曰聖作甚佳改遙作空更妙帝驚曰此白居易句也本作空聊試卿尔卿詩情乃与居易同耶時白氏集始至獨藏秘府世未有睹者以故大為帝所稱然為人不羈好直言不為當世所容人呼為野狂云管侍已下江談抄○三年夏六月太宰帥葛原親王薨親王桓武皇子幼穎悟有令譽及長恭謙不傲於物歷覽

史傳閑習朝典舉朝重之親王請去諸子王號賜姓因賜子高棟タカムササ平朝臣姓諸去已下三代實錄○齊衡元年夏五月寒甚山北微雪○六月左大臣兼左近衛大將源常麿常在官舉止閑雅言論和順勢進才能退讓倭時人以為有丞相之器○二年春二月詔右大臣藤原良房參議春澄善繩修國史○夏四月禁私養鷹鶴○三年夏四月制五世王服色準諸臣○冬十一月遣大納言藤原良相祀天於交野圓丘○天安元年春正月先是用大衍曆年久差謬頗多至是曆博士大春日真野麻呂請

依五紀曆改造新曆許之○二月以右大臣藤原良房
為太政大臣大納言源信為左大臣大納言藤原良相
為右大臣良相良房之弟也○夏四月復近江相坂關
新置大石龍華二關○二年秋八月帝崩壽三十帝性
明察不好游幸留心政事能知人姦然禁網漸密憲法
頗峻論者以比漢明帝云葬真原山陵後改陵名曰田
邑世稱田邑帝改陵名以下
三代實錄在位九年改元者三曰仁
壽齊衡天安皇太子立是為清和天皇

皇朝史畧卷之四終